

Kwento : *'Si Jhun-Jhun noong bago ideklara ang batas militar'*

Manunulat : Augie Rivera

Ilustrador : Brian Vallesteros

Tagalimbag : Adarna House

URL ng Kwento : <http://goo.gl/0pjlZ>




**Si
Jhun-Jhun,
NOONG BAGO
IDEKLARA ANG BATAS MILITAR**


Jhun-Jhun, Before Martial Law

**Kuwento ni/ *Story by*
AUGIE RIVERA**

**Guhit ni/ *Illustrations by*
BRIAN VALLESTEROS**




Ano ang linalaro nina Jhun-Jhun at kaniyang mga kabigan?



Ano ang biglang nangyari? Natapos ba nila Jhun-Jhun at kaniyang mga kaibigan ang kanilang laro?

Tila nayuping lata ang nguso ni Jhun-Jhun habang sinusundan ng tingin ang papalayo niyang kuya. 'Lakad'. Lagi na lang may mga 'lakad' ang Kuya Jaime niya. At ang mas nakakaasar, lagi na lang siyang hindi kasama! "Bakit kaya ganoon na si Kuya?" naisip niya. "Laging bugnutin."



Ano ang nararamdaman ni Jhun-Jhun para sa kaniyang Kuya Jaime?

Dati-rati, kahit saang lakad, lagi silang magkasama ng kuya niya—sa paglalaro ng siyato, paglalakwatsa sa perya, panonood ng TV (mula sa bintana nina Aling Gloriang Subasta), at maging sa pamumulot ng malalaking tipak ng tira-tira (na itinatapon ng isang pabrika ng kendi sa bakanteng lote ni Mang Oteng Hubad).

Isa-isahin ang dating ginangawa nina Jhun-Jhun at ng kaniyang Kuya Jaime.

Pero, mula nang mamasukan sa pabrika ng sapatos ang kuya niya, lagi na lang itong may mga sariling 'lakad'. Bihira na rin silang magkita. Kung mag-abot man sila sa bahay, lagi na lang itong pagod at tila wala nang lakas na makipaglaro sa kaniya.

"Ganoon talaga, anak. Naghahanapbuhay na kasi ang Kuya mo," paliwanag ng nanay niya. "At saka, nagbibinata na siya, kaya't marami na siyang pinagkakaabalahan."

Naisip ni Jhun-Jhun: "Ano kayang pinagkakaabalahan ni Kuya Jaime? Saan kaya 'yung mga lakad niya? Bakit ayaw niya akong isama?" Maya-maya, nabuo ang isang pasiya sa mapaglarong isip ni Jhun-Jhun. "Bukas na bukas din, susundan ko si Kuya!"

Ano ang mga tanong ni Jhun-Jhun ukol sa kaniyang Kuya Jaime?
Ano naman ang paliwanag ng kaniyang ina ukol sa mga 'lakad' ng kaniyang kuya?

Kinabukasan, madaling araw pa lang ay bumili na si Jhun-Jhun ng pandesal. Ipinagtimpla din niya ng kape ang kaniyang kuya. "Kuya, eto nga pala ang tsinelas mo!" mala-anghel na ngiti ni Jhun-Jhun. Agad na sinalat ni Jaime ang leeg at noo ng kapatid. "O, wala ka namang lagnat! Ba't parang ang bait-bait mo ngayon?" biro niya. Mabilis na tinungga ni Jaime ang kape. "'Nay, mauna na po ako!" paalam nito habang subo-subo ang isang maliit na pandesal. "O, Jhun-Jhun, wag kang masyadong makulit, ha," sabay kusot sa maikling buhok ng kapatid.

Ano ang ginawa ni Jhun-Jhun isang umaga na ikinagulat ng kaniyang kuya?

Nagbilang muna ng isa hanggang sampu si Jhun-Jhun bago siya lumabas ng bahay. Pagkatapos noon, tila kuting siyang bumuntot sa kaniyang kuya sa mga pasikot-sikot na kalye at eskinita.

Di nagtagal, nakarating sila sa pabrikang pinapasukan ng kuya niya. May welga pala dito—nagtipon sa labas ang mga manggagawa, nagtayo ng mumunting tolda, at nagpaskil ng iba't ibang mga plakard at karatula sa may tarangkahan.

Kitang-kita niya ang kaniyang Kuya Jaime: nakipagkamay, nakipag-usap at tila nakipagbiruan pa sa mga kasamahan niyang mas matatanda sa kaniya. *Sila na pala ang mga gustong kasama ni Kuya ngayon*, naisip ni Jhun-Jhun. Maya-maya, natanaw niyang papaalis na ang Kuya niya at ilang mga kasama. Lahat sila ay may dala-dalang mga pulang bandera. "Saan naman kaya ngayon ang lakad?"



Ano ang ginawa ni Jhun-Jhun at ano ang nalaman niya ukol sa kaniyang Kuya Jaime? Ano ang bagong pinagkakaabalahan nito?

Naglakad sila nang naglakad sa matinding sikat ng araw hanggang makarating sila sa Mendiola. Kasalukuyan palang may rali. Nanlaki ang mga mata ni Jhun-Jhun nang makitang punong-puno ng mga tao ang kalsada. Naglipana rin ang iba't ibang mga bandera at telang may nakasulat na mga pulang letra: "Ibagsak!" "Marcos Diktador!" "US-Imperyalismo, Salot ng Mundo!!"


May mga nagsisigawan din ng "Makibaka! Huwag matakot!" habang nakatikom ang mga kamay at tila sumusuntok paltaas. Sa labis na pagkamangha sa mga

pangyayari, nawala tuloy sa paningin ni Jhun-Jhun ang kuya niya.


They walked and walked under the intense heat of the sun until they reached Mendiola. There was a rally. Jhun-Jhun's eyes widened when he saw all the people on the street. All around them were banners with red letters saying: 'Ibagsak!' or 'Marcos, Diktador!' or 'US-Imperyalismo, Salot ng Mundo!'

People were shouting 'Makibaka! Huwag matakot!' with clenched fists thrusting upwards. In his awe, Jhun-Jhun lost sight of his kuya.


Saan nakarating si Jhun-Jhun at ano ang kaniyang mga nasaksihan?



Isalaysay ang naramdaman ni Jhun-Jhun sa yugtong ito ng kuwento.



Ano ang nangayari sa Mendiola? Sino ang mga 'mamang may makikintab at bilugang mga sumbrero', at ano ang kanilang ginawa sa mga raliyista?



Di nagtagal, unti-unting tumahimik ang buong paligid. "Pagbilang ko ng sampu, sakâ ako lalabas dito ...isa, dalawa, tatlo, apat, lima, anim, pito, walo, siyam... sampu!"

Nagulantang si Jhun-Jhun sa eksenang tumambad sa kaniya: wala nang katao-tao sa basang kalsada. Ang naiwan na lang ay mga bato, basag na bote, mga plakard, mga tela, at mga tsinelas! Sandamukal na mga tsinelas—para bang may libo-libong taong naglaro doon ng tumbang preso!


Napansin niyang nawawala ang kaniyang kanang tsinelas. Kaya't sinubukan niya itong hanapin sa mga nakabulagtang tsinelas sa kalsada. Ngunit hindi niya inaasahan ang kaniyang nakita—ang paborito niyang pamato—at hindi siya maaaring magkamali: ang kaliwang tsinelas ng kuya niya!

Ano ang mga sumunod na nangyari? Ano ang nakita ni Jhun-Jhun?

Nang gabing iyon, matiyagang naghintay si Jhun-Jhun sa Kuya Jaime niya ngunit hindi ito umuwi. Halos dasalan na ng Nanay niya ang lumang transistor habang hinihintay ang balita tungkol sa raling naganap.

Kinaumagahan, dumating sa bahay nila ang mga kasamahan ng kuya niya sa pabrika. Ayon sa kanila, isa raw si Jaime sa mga bigla na lang 'nawala' matapos bulabugin ng mga Metrocom ang rali sa Mendiola. Wala raw silang balita kung saan na ito napadpad. Maaaring nakulong. Maaaring nagtago. Walang nakaaalam. Napahagulhol na lang ang nanay ni Jhun-Jhun habang mahigpit ang yakap sa bunsong anak.


Isalaysay ang emosyon ang naramdaman ni Jhun-Jhun at ng kaniyang ina.



Nagpasiya ang nanay ni Jhun-Jhun na bisitahin nila ang iba't ibang mga kampo ng militar. Doon, ipinagtanong nila kung napasama ba sa mga nakulong ang kaniyang Kuya Jaime. Ngunit wala silang nakuhang kasagutan.

Lumipas pa ang ilang araw, linggo, at buwan, ngunit hindi pa rin umuuwi ang kuya ni Jhun-Jhun. "Nay, kung nakita ko sana si Kuya...naisama ko siyang nagtago sa ilalim ng bandera," panlulumo ni Jhun-Jhun. "Wag mong sisihin ang sarili mo, anak," buntong-hininga ng Nanay niya. "Wag tayong mawawalan ng pag-asa. Uuwi rin ang kuya mo."

Ano ang kanilang ginawa upang mahanap si Jaime?



Sa paglipas ng mga araw, bihira nang makipaglaro si Jhun-Jhun ng tumbang preso. Nagbebenta na kasi siya ng diyaryo sa umaga at nilagang saging na saba sa hapon.

Noong mga panahong iyon, nagkasunod-sunod pa ang malalaking rali at kilos-protesta sa iba't ibang bahagi ng lungsod. Kahit tutol ang kaniyang nanay, lihim pa ring dumadalo sa mga ito si Jhun-Jhun—na suot-suot ang kaliwang tsinelas ng kuya niya.

Ano ang naging pagbabago sa buhay ni Jhun-Jhun matapos ang nangyayari sa kanyang Kuya Jaime sa Mendiola?

